

Segun Minister Lee: Inspectornan di Departamento di Labor lo controla 24 ora pa dia

ORANJESTAD (AAN) -- Relaciona cu mudamento di Departamento di Labor pa Smith Boulevard, tin varios pregunta cu Minister Ramon Lee a haya su dilanti, den conferencia di prensa ayera.

PROBLEMA CU SISTEMA DI KABEL: Pa prome a puntra e minister si ta berdad cu e lugar no tin sistema di kabel pa conecta telefon ni computer, pa locual e empleadonan no por funciona.

Segun e mandatario na momento cu e mudamento a tuma lugar e presupuesto pa su ministerio no tabata aproba ainda. Pesey no por a haci e inversionnan necesario, p.e den e sistema di cable cu ta absorbe un suma bastante considerable. Pero na momento cu e presupuesto a worde aproba a bin cu destaho publico pa contrastanan, y ya caba nan ta trahando riba dje.

E mandatario a splica cu e sistema di cable ta bin pa computer y telefon, pero falta algun cos chiquito mas y tur cos mester ta cla pa mitad di e luna aki.

Minister Lee a aclarea cu no ta e doño di e edificio mester a aporte e infraestructura pero esaki ta responsabilidad di gobierno mes.

E mandatario a agrega cu apenas e aspecto aki keda completamente cla Departamento di Labor y Job Center lo funciona normalmente.

REORGANIZACION: Tambe riba e proceso di reor-

ganizacion a surgi un pregunta.

E mandatario a bisa cu den varios ocasion el a topa cu e trahadornan di e departamento. Prome cu e rapport cu gobierno a traha a keda cla, el a worde entrega na e trahadornan pa nan lese.

Despues dos colaborado di gobierno cu ta traha directamente cu Labor tambe a reuni cu e empleadonan, y awor ta e comision mester pone e trahadornan caminda nan mester ta aworaki.

Minister Lee a acentua cu nunca Departamento di Labor a funciona manera mester ta. Na 1999, tempo di Minister sra. Mary Wever a bin un reorganizacion di labor, door di cual a manda 58 porciento di trahador cas, y 42 porciento a keda activo.

E titular ta kere cu intencion abata pa busca mas trahador, pero ora el a asumi e cargo di minister el a haya e departamento cu e problema cu nan tabata tin trabao di mas y

poco trahador.

Mirando e problemanan cu tin den e sector laboral, gobierno a instala un comision di experto den asuntonan di labor, cual ta encarga riba e reorganizacion.

E comision aki a tuma loke ta bon di e proceso anterior y a trece acerca e aspectonan cu a keda falta.

MAS INSPECCION DEN MADRUGA: Un ehemplo cu e mandatario a menciona ta cu pa haci inspeccion solamente tin cuatro persona. E comision a conclui cu mester inspecciona e lugarnan di trabao no solamente den dia pero 24 ora, ya cu enberdad tin donadornan di trabao cu ta haci abuso den horarionan di 12'or di madrugada pa 8'or di mainta.

E ora ey a dicidi cu Inspectornan lo traha tres warda, pa controla empresanan cu ta traha despues di 12'or di anochi.

Den e horarionan aki tin donadornan di trabao ta tuma su

hendenan cu tin otro funcion, pa bin haci trabao di limpieza pa nan.

E decision cu a tuma ta pa trahadornan traha cu carnet, pa identifica nan mes y nan funcion. Un waiter no por worde haya ta corta mata of haci e lugar limpi, por ehemplo.

Pesey lo fortalece e departamento di inspeccion pa haci un mehor control.

LO AMPLIA JOB CENTER: Minister Lee a menciona cu Job Center tambe ta un departamento hopi importante, cu mester aporta cifranan pa haya sa cuanto desempleo tin. Pero cu tres trahador so, manera ta e caso aworaki, e departamento no por bin cu cifra mirando e cantidad di negoshinan cu a lanta ultimamente.

E mandatario a comenta cu tin un seccion cu mester bay colecta e cifranan aki, pa duna gobierno e datonan real pa traha su planning.

EMPLEADONAN INAC-

TIVO: Ademas a puntra e mandatario tocante e cantidad di ambtenaarnan cu tabata traha na Departamento di Labor, y cu actualmente ta inactivo na cas (cu pago), si nan lo worde reincorpora den e Departamento, ya cu SEPPA a hala atencion di e mandatario varios biaha riba esaki.

E mandatario a bisa cu hunto cu SEPPA tin e comision instala, nan ta bay evalua e empleadonan aki. Si nan por bin traha bek lo worde tuma, pero esnan cu no ta pas den e reorganizacion mester conforma su mes cu no por bolbe na e Departamento di Labor.

**TELEFONNAN
DI DIARIO
582-6747
FAX
582-8551**

NOS TA MANDA!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Set di Comedor
Special
Afl. 175,=**